

Raemxda Gou Lae Lo

我流 泪 了

武鸣县仙湖镇中桥小学五(1)班 黄雅岚



Ngoenzneix dienheiq ronghcingx. Haet-romh gou daenj diuz buhmoq gyaundeibae hagdangz, ndawsim angq raixcaix. Hoeng gienh saeh siengj mbouj daengz haenx fatseng lo……

Haenx dwg gwnzroen bae hag, gou caeuq dahnuengx ranznden angqvauvau dwk byaij bae. Byaij gvaq bakdou ranznden seiz, mup daengz heiqhom. Ngiengx gyauej bae yawj, ndaw suen hai miz haujlai va. Cijraen gij hoengz lumj feiz, gij hau lumj nae, gou raen le fwngz humz, ndawsim daj cawjeiq caeg va. Mboujgvaq, yaek mbaet va lij aeu sien siengj aen geiqmaeuz. Gou yawj gonq yawj laeng, dauqdaej siengj hwnj aen geiqmaeuz daeuj. Yienghneix, gou saenzmaed dwk doiq dahnuengx ranznden naeuz: “Siujvah, mwngz gyaез va lwi?” “Gyaез!” De angqvauvau han naeuz. “Yiengh ndei, gou bae mbaet va, mwngz youq henz dawz.” “Mbouj gamj.” De lau dwk naeuz. “Lau gijma, miz gou ne! Gou hawj mwngz cangqmbei.” Caen mbouj yungzheih de cij dapwngq. Gou sien doiq de gangj gij vah “mbouj ok sing”、“yamqdin aeu mbaeu”, couh rag de yaemj din yaemj fwngz daeujdaengz henz lag suenva, gou ndonj haeuj ndaw suenva, de youq rog lag. Gou

mbaet duj youh duj, ndenq hawj de. Youq gou mbaet duj gatsat seiz, bouxcawj okdaeu j lo, lij ndei, de mbouj yawj gvaqdaeu j. Gou gaenjgip ndoj haeuj muqva bae. Cij dingqny Siujvah hemq sing “a” siengj buetdeuz, dauq ngaiz bouxcawj laengz lo. “Ndei ha, mwngz caen damjhun g, gamj mbaet gij va gou.” Bouxcawj swenj naeuz. “Mbouj…… mbouj dwg gou.” Siujvah lau dwk vah hix gangj mbouj cingcuj lo. “Mbouj dwg mwngz, dwg byawz?” Bouxcawj laebdaeb saemjcam. Gou dingq daengz gizneix, rox caiq ndoj roengzbae doiq shwgeij mbouj ndei, vaiqdi daj ndaw muqva hwnjdaeu j, ndonj ok ciengz lag buekmingh buet bae hagdangz. Buet ndaej duenh roen le, gou cij nyeux gyauej yawj, vunz mbouj boenq gvaqdaeu j, cungjsuenq bienq yungyiemj baenz ancienz lo, gou momo hanh najbyak, cij soeng gaemz heiq ndeu. Ngaemgyaeuj baez yawj, buhmoq ngaiz gaeu sik lo. Gou sim’ in dwk raemxda lae roengzdaeu j.

Haemh neix, gou madaengz ranz, Siujvah youq gyanghongh ndwn dwk, raemxda roengzyagyag, gou mbouj gvaqei j lo, sim gou dingh mbouj ndaej roengzdaeu j. Gou yawjraen faj naj de miz riz faexcuk moeb gvaq, gawh haujlai, sim gou engq cie g lo. De naeuz gou nyi: “Bouxcawj boenq daengz ndaw ranz gou daeu j lo, swenj donq gaeuq, daxboh gou ndatheiq le, moeb gou donq he.” Gou dingqdaengz gizneix, najmong dwk raemxda lae roengzdaeu j. Siujvah cam: “Mwngz daej gijmaz ha?” Gou najhoengz rwzdit, hoj hai bak, mboujgvaq daej engq youqgaenj lo, gou najnyaenq dwk cungj mboujmiz banh fap yiengq Siujvah nyinhloek.

Diuz buhmoq neix yienznaeuz gou cij ngamq daenj gvaq baez ndeu, hoeng de hawj gou najmong, coi gou gaij ndei.

(指导老师:黄雪丽)

Daxboh Gou

我的 父亲



贵港市覃塘区蒙公乡民族
初级中学011班 雷琪琪

Daxboh gou doenghbi youq Gvangigungh guhhong, gou daj iq youq gwnz haw doegsaw, ndigah dou raen naj gig noix. Seizneix, gou cingq naengh youq henz daiz, itmienh dauqngeix gij saeh gaxgonq, itmienh siengjniemh daxboh. Mbouj rox daxboh seizneix muengz gijmaz ne? Daxboh seizneix dwg mbouj dwg hix siengjniemh dahlwg youq ranz ne? Daxboh, dahlwg siengj mwngz lai lo!

Moix bi yaek daengz cieng seiz, daxboh cij daj Gvangidungh dauqma ranz. Daengx ranz vunz guhdoi h naengh youq itheij gwn cieng, roxnyinh geijlai ndei ha! Youq ndaw bi raezrangrang neix, dou daengx ranz vunz cij miz seizneix ndaej ansim, vuenyungz dwk comz itheij. Gou ciengxlwenx lumz mbouj ndaej bi’ gvaq haemhndaep daxboh sawqmw h dauqma seizhaenx: Aen gyauej bonjlaiz couh ndoq haenx bienq ndaej engq ndoq lo, byoemgyaeuj hix hainduj hau lo, yamqdin fouzrengz, moix yamq din cungj dwg yienghneix naekgywggwyg. Hoeng, yawjraen dahlwg seizhaenx, yamqdin daxboh sawqmw h bienq ndaej mbaeumbimbi hwnjdaeu j lo. Gou sikhaek buet hwnjbae got daxboh ndaetndaet hwnjdaeu j. Haujlai nanz mbouj raen daxboh lo, gou aen ndaeng baez soemj, raemxda riengx lo, yaek doek roengzdaeu j lo. Daxboh lumhlumh aen gyauej gou, naeuz: “Bi ndeu mbouj raen, baenzlawz mbouj caengz majhung dem? Lij dwg yienghneix daemqdet baenz neix manz?” Gangj gij vah neix seiz, gij riunyumj youq cihbak daxboh haenx haujlai nanz cungj mbouj siu bae.

Itcig daeu j, daxboh cungj dwg goengqbya hung gou. Gou seiz iq miz bingh lai, daxboh ciengzciengz aemq gou bae yawj bingh. Youq naj ranz gou mbouj gyaе haenx miz diuz dah ndeu, gvaqbae mbouj miz giuz, daxboh cungj dwg dawz gou cuengq gwnz mbaq bae cengi gou gvaq dah. Gou gyauejgunh boemx youq gwnz gyauej daxboh ninzndaek lo. Seizhaenx aen mbaq daxboh, gawq dwg aen giuz gou, youh dwg aen mbonq raeujrub gou.

Gojnaengz dwg ndaej daxboh ndiepgyaез ba, youq ndaw lwgda daxboh, youq ndaw lwgda ranznden, gou cungj dwg dah lwgsau gig roxsoq. Moixdang lwgnyez ranzwnq bae guhsaj seiz, gou cix youq ranz bang daxmeh guhhong. Bae sou haeux seiz, haeuxfiengz daegbied raeh, gou cungj dwg mbouj siujsim couh dawz fwngz gat sieng lo. Daxmeh ciengzciengz heuh gou bae henz yietnaiq, hoeng, baez siengj daengz daxboh doenghbi youq rog dajgoeng, yawjraen daxmeh hanh lae hanh roenx, gou couh mbouj nyaenxsim yietnaiq. Ndae j caeuq vunz ranz doengz van caemh hoj, couhsuenq caiq hoj caiq baeg, gou hix sim’ angq.

Bi’ gonq sujgyaj, daxboh youq ranz youq. Baez cam cij rox, din daxboh foeg, in ndaej nanzsouh, guh mbouj ndaej hong, ndigah cij ndek hong ma ranz yietnaiq. Baez gaujsi sat, gou couh gigip muengzmuengz ganj ma ranz, hoeng, mbouj lumz youq gwnz haw cawx song bingz cwnghungzvahyouz. Ma daengz ranz, gou goq mbouj ndaej din naet, couh bae yawj din daxboh, yawjraen din in daxboh youh foeg youh hoengz, raemxda gou couh daeu j lo. Daxboh lumhlumh aen gyauej gou, riunyumj naeuz: “Dahlwg huk gou, mbouj miz saeh ne! Vihmaz daej la?” Gou aeu bang daxboh cat yw, daxboh euq mbouj ndaej gvaq gou, lij dwg hawj gou bang de cat yw lo. Gou itmienh menhmenh bang daxboh cat din in, itmienh dauqngeix gij saeh seiziq. Seiziq gou laemx in seiz, daxboh couh dwg yienghneix cat yw hawj gou. Gwj siengj gwj siengj, raemxda gou youh riengx lo.

Daxboh dwg goengqbya hung gou, gou dwg maqmuengh daxboh. Baezlaeng, gou itdingh roengzrengz hagsib, gauj hwnj dayoz, maqmuengh miz ngoenz ndeu, daxboh ndaej gvaq ngoenzndei, ndaej ndiengqndet doiq bouxwnq naeuz: “Gou miz dah lwg gig naengzganq ndeu!” (指导老师:雷振尧)

Yawj Fwjhau

看 白 云

上林县大丰镇皇周小学二年级二班 周承厚



Ngoenzneix banngaiz, gou ninz mbouj ndaek, hoeng daxmeh youh mbouj hawj gou luenh buet, itdingh aeu ninz youq gwnz mbonq. Mbouj miz banh fap, baihrog hix mbouj miz vunz guh’ angq, gou cijndei ninz gwnz mbonq.

Ninz youq gwnz mbonq, daj congheue ng muengh baihrog, cijraen gwnzmbwn miz geij duj fwjhau. Gij fwjhau gwnzmbwn, ngamq hainduj lumj duzma iq buet dwk; yaep he, raq rumz ci daeu j, dawz gyoengqde bienqbaenz duz roeglw g,

lumj cingq ciengqgo nei; yaep he, gyoengqde youh comz youq giz ndeu, bienqbaenz duz lozdoz hung ndeu, lumj ngamq daj ndaw sahmoz byaij okdaeu j, cingq ngaem gyauej ndoet raemx; youh gvaq yaep he, lozdoz faenhai lo, lumj bienqbaenz duz gvi caeuq duzdouq doxdax nei, gou siengj: Baezneix duzdouq itdingh mbouj guh loek lo, itdingh ndaej hingz.

Gwj yawj gwj yawj, mbouj rox seizlawz, gou gaenq ninzndaek lo.

(指导老师:李文海)